

THE PROVINCE OF NORTHERN CAPE
DIE PROVINSIE NOORD-KAAP

Provincial Gazette Provinsiale Koerant

(Registered as a newspaper) • (As 'n nuusblad geregistreer)

Selling price • Verkoopprys: **R1,50**
Other countries • Buitelands: **R1,95**

Vol. 6

KIMBERLEY, 15 MARCH
MAART 1999

No. 377

Which includes / Waarby ingesluit is—



Johannesburg Bar Library

PROCLAMATIONS

PROKLAMASIES

PREMIER'S NOTICES

PREMIERSKENNISGEWINGS

OFFICIAL NOTICES

OFFISIËLE KENNISGEWINGS

GENERAL NOTICES

ALGEMENE KENNISGEWINGS



MUNICIPAL NOTICES

MUNISIPALE KENNISGEWINGS

TENDERS

TENDERS

OFFICIAL NOTICE • OFFISIËLE KENNISGEWING

OFFICIAL NOTICE 3 OF 1999

LESS FORMAL TOWNSHIP ESTABLISHMENT ACT, 1991 (ACT No. 113 OF 1991)

DESIGNATION OF AN AREA FOR LESS FORMAL SETTLEMENT: WITBANK

The Member of the Executive Council for Housing and Local Government of the Province of the Northern Cape, has declared, in terms of section 2 (1) of the above-mentioned Act, as from the date of publication hereof, that the following area situated outside the jurisdiction of a local authority be designated for the development of a less formal settlement for homeless persons.

Description of land

A portion of the farm Witbank 30, approximately 1,2 hectares in extent, situated in the District of Namaqualand, Province of the Northern Cape.

A site plan depicting the land unit described herein is attached for information.

O. P. DIKGETSI

MEC Housing and Local Government

OFFISIËLE KENNISGEWING 3 VAN 1999

WET OP MINDER FORMELE DORPSTIGTING, 1991 (WET No. 113 VAN 1991)

AANWYSING VAN 'N GEBIED VIR MINDER FORMELE VESTIGING: WITBANK

Die Lid van die Uitvoerende Raad belas met Behuising en Plaaslike Regering van die Provinsie Noord-kaap, het afgekondig, kragtens die bepalings van artikel 2 (1) van die bogemelde Wet, vanaf datum van publikasie hiervan, dat die volgende grond buite die regsgebied van 'n plaaslike owerheid aangewys is vir die ontwikkeling van 'n minder formele vestiging vir daklose persone.

Beskrywing van grond

'n Gedeelte van die plaas Witbank 30, ongeveer 1,2 hektaar, geleë in die Distrik Namakwaland, Provinsie Noord-Kaap.

'n Terreinplan waarop die grondeenheid hierbo aangedui word, word ter insae aangeheg.

O. P. DIKGETSI

LUR: Behuising en Plaaslike Regering



GENERAL NOTICES • ALGEMENE KENNISGEWINGS

NOTICE 24 OF 1999**DE AAR MUNICIPALITY****ADOPTION AND AMENDMENT OF NORTHERN CAPE MODEL STREET TRADING BY-LAWS**

The Premier has approved the adoption by the Municipality of De Aar of the Northern Cape Model Street Trading By-laws, published under Official Notice No. 3, dated 26 February 1997, as a by-law for the Municipality of De Aar, subject to the following amendments:

- (a) That clause 3 (b) on page 3 be amended to read as follows:
 - "(b) ensure that his/her property does not cover an area of public place or pavement which is greater in extent than three square metres (3 m²) unless written permission for a greater area is obtained from the local authority".
- (b) That the following regulation be inserted after clause 3 (1):
 - "(m) not trade on pavements narrower than 2,5 m."

KENNISGEWING 24 VAN 1999**MUNISIPALITEIT DE AAR****AANVAARDING EN WYSIGING VAN NOORD-KAAP MODEL STRAATHANDELVERORDENINGE**

Die Premier het dit goedgekeur dat die Munisipale Raad van De Aar die Noord-Kaap Model Straathandelverordeninge, gepubliseer by Offisiële Kennisgewing No. 3, gedateer 26 Februarie 1997, as 'n verordening vir die Munisipaliteit van De Aar aanneem onderworpe aan die volgende wysigings:

- (a) Dat Klousule 3 (b) op bladsy 3 gewysig word om as volg te lui:
 - "(b) ensure that his/her property does not cover an area of public place or pavement which is greater in extent than three square metres (3 m²) unless written permission for a greater area is obtained from the local authority".
- (b) Dat die volgende regulasie na Klousule 3 (1) bygevoeg word:
 - "(m) not trade on pavements narrower than 2,5 m."

KENNISGEWING 25 VAN 1999**KATHU MUNISIPALITEIT****VERORDENING INSAKE STRAATHANDELDRYING****INLEIDING**

AANGESIEN dit bekend geword het dat daar 'n behoefte is om 'n omgewing te ontwikkel waar die dryf van besigheid of informele handel, op openbare plekke toegelaat word, onderworpe aan die regte van alle inwoners van sodanige gebruike en plesier, soos vervat in die Grondwet van die Suid-Afrikaanse Regering en ander regulerende wetgewing.

EN AANGESIEN dit bekend geword het dat alle aktiewe deelnemers, verbind is tot ontwikkelings-voorwaardes wat sal bydra tot die ekonomie, deelname en groei van die ekonomie van die Kathu Munisipale area.

EN AANGESIEN die Kathu Munisipaliteit 'n bevoegde omgewing mag skep vir informele handel met voorsiening van basiese dienste en skepping van infrastrukture.

Nou Derhalwe, word die aangehegde Verordening vir Straathandeldrywing, hiermee geproklameer.

WOORDBEPALING

1.1 In hierdie verordening, tensy in dié verband andersins aangedui—

"bederfbare" beteken melk, vleis, vis, skaaldierte, vrugte en groente sowel as produkte wat spesiale bergings fasiliteite benodig;

"beperkte gebied" beteken enige plek wat verklaar is onder artikel 6A (2) van die Wet met besluite van die Raad om 'n gebied te wees waar straathandel beperk mag word;

"dienste" sluit in enige voordeel, wins vir oorweging of beloning;

"die Wet" beteken die Wet op Besighede 1991 (Wet No. 71 van 1991);

"eetgoed" beteken enige artikel of stof (behalwe 'n dwelmiddel soos bepaal in die Wet op Dwelmsbeheer, 1965 (Wet No. 101 van 1965), wat gewoonweg deur persone geëet of gedrink kan word of bedoelende om geskik te wees, of vervaardig of verkoop word, vir menslike verbruik, dit sluit in enige deel of bestanddeel van enige sodanige artikel of stof, of enige stof gebruik of voornemens is, of bedoel om te gebruik, as deel of bestanddeel van enige sodanige artikel of stof;

"eiendom" met betrekking tot 'n persoon wat straathandel toepas of dit beteken enige voorwerp, houer, voertuig of struktuur wat gebruik word of voornemens is om gebruik te word, met betrekking tot sodanige besigheid, insluitend goedere waarmee hy/sy handeldryf;

"gebou" beteken 'n gewone steenstruktuur, insluitend, informele strukture soos "pondokke/hutte" of bewegende strukture soos woonwaens;

"gemagtigde amptenaar" beteken 'n amptenaar van die Raad gemagtig om die bepalings van hierdie verordening uit te voer en "beampte" sal 'n ooreenstemmende betekenis hê;

"goedere" beteken enige verhandelbare belange, maar uitgesluit enige lewende ding en gevaarlike stowwe;

"handel" beteken die wettige verkoop van goedere of dienste in 'n openbare pad of openbare plek en "handeldrywing" sal 'n ooreenstemmende betekenis hê;

"nasionale monument" beteken 'n gebou wat kragtens die Wet op Nasionale Gedenkwaardighede, 1969 (Wet No. 28 van 1969), tot 'n Nasionale Gedenkwaardigheid verklaar is;

"oorlas" beteken enige handeling of gedrag/optrede deur enigen meegebring of ongemak aan enigen veroorsaak;

"openbare gebou" beteken 'n gebou uitsluitlik beset deur die Staat of die Raad of enige afdeling van die staat;

"openbare plek" beteken enige plein, park, ontspanningsterrein, sportterrein, sanitêre laan of oopte wat—

- (a) saamhang met enige onderverdeling of uittê van grond tot erwe, persele of kleinhowes, wat voorsien is, bespreek of afgesonder is vir die gebruik deur die publiek of die eienaars of bewoners van sodanige erwe, persele of kleinhowes, hetsy dit op 'n algemene plan, onderafdeling van 'n plan of kaart aangetoon word;
- (b) te enige tyd opgedra was aan die publiek;
- (c) onderbroke ingebruik was deur die publiek vir 'n tydperk van ten minste 30 jaar wat verstryk het na die een-en-dertigste dag van Desember 1959; of
- (d) te enige tyd opgedra of verhuur was deur 'n raad of enige bevoegde owerheid;

"openbare pad" beteken enige pad, straat of deurgang of enige ander plek (hetsy 'n deurgang of nie) of enige deel daarvan, wat gewoonlik deur die publiek gebruik word of enige deel daarvan, waartoe die publiek 'n reg van toegang het, insluitend—

- (a) die soom van enige sodanige pad, straat of deurgang;
- (b) enige brug, pont of drif waaroor of waardeur enige sodanige pad, straat of deurgang loop; en
- (c) enige ander werk of voorwerp wat 'n deel uitmaak van of verbind is met of behoort tot sodanige pad, straat of deurgang;

"plaaslike owerheid" beteken 'n munisipale instelling, insluitend 'n instelling of liggaam met dieselfde werkverrigtinge as die van 'n munisipale instelling, soos bepaal in artikel 1 van die Oorgangswet op Plaaslike Regering, 1993 (Wet No. 200 van 1993);

"plavelsel" beteken sypaadjie of daardie gedeelte van 'n pad wat uitgehou is vir die gebruik van voetgangers;

"Premier" beteken die Premier van die Provinsie Noord-Kaap of Ld van die Uitvoerende Raad wie belas is met die verantwoordelikhede van die Administrasie van die Wet op Besighede, 1991 (Wet No. 71 van 1991);

"Raad" beteken die Raad van Kathu Munisipaliteit;

"soom" beteken 'n soom soos bepaal in artikel 1 van die Padvervoerwet, 1989 (Wet No. 29 van 1989), en enige woord of uitdrukking wat in die Wet op Besighede, 1991 (Wet No. 71 van 1991), met dié betekenis toegewys is;

"straathandelaar" beteken 'n persoon wat beweeg en goedere verkoop vir eie gewin, hetsy sodanige goedere die produk is van sy/haar eie arbeid al dan nie;

"tuin of park" beteken 'n tuin of park waartoe die publiek 'n reg van toegang het;

"verbode gebied" beteken enige plek wat verklaar is of om verklaar te word onder artikel 6A (2) van die Wet met besluite van die Raad om 'n gebied te wees waar straathandel verbied mag word;

"verkoop" beteken oordra van eiendom vir waarde en sluit in verskaf aan, en ook—

- (a) verruil of huur;
- (b) berg, vertoon, aanbied, of voorberei vir verkoping en "verkoping" sal 'n ooreenstemmende betekenis hê;

"vullis" beteken enige afval materiaal, insluitend enige houer of enige voorwerp wat verouderd, verlate of agtergelaat is, deur 'n handeldrywende persoon of sy/haar klant.

1.2 Vir die doel van hierdie verordeninge sal 'n enkelvoudige handeling van verkoping in 'n openbare pad of openbare plek, handeldrywing daarstel.

REG OM TE HANDEL

2. Onderworpe aan die bepalings van artikel 3 en 4 en enige ander regspraak, word straathandel toegelaat, behalwe in so verre as wat sodanige handeldrywing beperk of verbied word deur artikel 5 tot 13 insluitend, op verdere voorwaarde dat geen persoon wie nie 'n Suid-Afrikaanse inwoner is nie, nie geregtig sal wees om straathandel te bedryf, tensy hy/sy in besit is van 'n geldige werkspermit wat sodanige handeldrywing magtig.

ALGEMENE BEHEER VAN STRAATHANDELAARS

3. 'n Persoon mag/moet—

- 3.1 nie sy/haar eiendom op 'n soom van 'n openbare plek plaas, behalwe vir die doel om handel te begin bedryf;
- 3.2 seker maak dat sy/haar eiendom nie 'n openbare pad of openbare plek versper wat in omvang groter is as ses vierkante meter (6 m^2), behalwe wanneer 'n geskrewe toestemming vir 'n groter gebied van die plaaslike owerheid verkry is;
- 3.3 nie sy/haar eiendom plaas of opstapel, op so 'n manier dat dit gevaar inhou vir enige persoon of eiendom, of vermoedelik enige persoon of eiendom kan beseer of beskadig;
- 3.4 nie enige struktuur op te rig met die doel om skuiling te verskaf of om by sy besigheidsplek te oornag, sonder die voorafverkreë, skriftelike toestemming van die Plaaslike Owerheid nie, onderhewig dat waar daar goedkeuring gegee is vir 'n skuiling vir goedere, hy/sy nie 'n onooglike struktuur vir die dryf van besigheid, sal oprig nie;
- 3.5 geen toegang belemmer tot 'n brandkraan of die afgebakende gebied wat uitsluitlik vir noodvoertuie en/of dienste gebruik word nie;
- 3.6 na afloop van 'n dag se besigheid, sy/haar eiendom verwyder, behalwe enige permanente struktuur deur die Plaaslike Owerheid toegestaan, tot so 'n plek wat nie deel uitmaak van 'n openbare pad of openbare plek nie;
- 3.7 op versoek van 'n werknemer of agent van die Raad of enige voorsiener van telekommunikasie of elektrisiteit of enige dienste, sy/haar eiendom verskuif om toegang tot die uitvoering van enige werk met betrekking tot die openbare pad, openbare gebied of enige sodanige dienste;
- 3.8 op geen wyse enige voorwerp of goedere aan enige geboude struktuur, plaveisel, boom, parkeermeter, lamppaal, elektriese paal, telefoonhokkie, posbus, verkeersteken, bank, of enige ander straatmeubels in of op 'n openbare pad of openbare plek, vasheg nie;
- 3.9 geen oopvuur maak, op die plek of in enige omstandighede, waar skade aan 'n persoon, gebou of voertuig aangerig kan word nie;
- 3.10 geen eiendom van hom/haar berg, in 'n mangat, stormwatersloot, busafdak, openbare geriewe of boom nie;
- 3.11 nie sy/haar goedere in 'n straat verkoop, deur voortdurend gebruik te maak van megafone, radios, luidsprekers of voortdurende geskree of gesing, op so 'n wyse dat dit 'n oorlas en steuring in die gebied meebring;
- 3.12 nie straathandeldrywing begin, tensy hy/sy nie geregistreer is by die Plaaslike Owerheid nie, en die nodige fooie en kostes betaal is vir dienste redelikerwys benodig, insluitend die huurgeld vir enige handelsruimte of struktuur deur die plaaslike owerheid voorsien.

SINDELIKHEID

4.1 'n Handeldrywende persoon moet—

- 4.1.1 sy/haar eiendom en die gebied of terrein, beset deur hom/haar, vir die doel om besigheid te doen, in 'n skoon en higiëniese toestand hou;
- 4.1.2 sy/haar vullis verwyder, wat voortgebring is deur sy/haar besigheid, in houe wat daarvoor aangebring is deur die Plaaslike Owerheid, insluitend herbenutting en stortingsterreine, en nie hul vullis te verwyder deur dit in mangate, stormwaterslote of enige ander plek wat nie vir die verwydering van vullis bedoel is, te gooi nie;
- 4.1.3 verseker dat hy by voltooiing van 'n dag se besigheid, die gebied of terrein deur hom/haar beset vir die doel om handel te dryf, vry is van vullis;
- 4.1.4 alle moontlike voorsorgmaatreëls te tref of deur die Plaaslike Owerheid, voorgeskryf, om die storting van enige vet, olie, ghries of enige gevaarlike stowwe, op 'n openbare pad of openbare plek te voorkom, vir solank hy/sy besigheid doen en te voorkom dat enige rook, dampe, slegte reuke en 'n geraas, afkomstig van sy/haar bedrywighede, nie 'n oorlas vir ander sal wees nie.

4.2 Die Plaaslike Owerheid sal—

- 4.2.1 verseker dat op gereelde tye, die terrein waar straathandelaars handeldryf, skoon en higiënies sal wees;
- 4.2.2 houters voorsien op die terreine, ten einde die verwydering van vullis te vergemaklik vir straathandelaars;
- 4.2.3 verseker dat dié houters op gereelde tye leeggemaak sal word, ten einde die skoonmaak van die terrein te vergemaklik.

VERSPERRING VAN VOETGANGERS

5. Geen persoon mag handeldryf op 'n plek, waar sodanige handeldrywing—

- 5.1 'n versperring sal wees tot toegang van straatfasiliteite, soos 'n bus-passasiersbank of skuiling of toustanery, vullis verwyderingsdrom of enige fasiliteite beoog vir die gebruik van die algemene publiek;
- 5.2 die uitsig versper van 'n vertoonvenster aanwysingsbord en persele, sou die persoon wat besigheid doen in die perseel hierby betrokke, beswaar daartoe maak;
- 5.3 'n versperring veroorsaak tot die toegang van 'n gebou, kitsbank-masjien, voetoorgang of motorvoertuie;
- 5.4 'n wydte minder dan 1,5 meter van 'n sypaadjie oop laat, vir die gebruik van voetgangers of om op enige ander aansienlike wyse die sypaadjie te versper vir die gebruik van voetgangers.

VERSPERRING VAN VOERTUIGVERKEER

6. Geen persoon mag handeldryf op 'n plek waar sodanige handeldrywing—

- 6.1 'n hindernis veroorsaak op 'n ryvlak;
- 6.2 toegang beperk tot parkering, laaivlakke of ander gebruike van voertuigverkeer;
- 6.3 die uitsig belemmer van enige verkeersteken, afmerking, kennisgewing of tentoongestelde teken wat gemaak is in terme van hierdie of enige verordeninge nie; of
- 6.4 om in te meng met enige voertuig wat langs sodanige plek geparkeer is nie;
- 6.5 die uitsig of sig van enige gebruiker van die pad, enige verkeersteken of enige ander padgebruiker te belemmer nie.

BEPERKTE HANDELDRYWING MET GESPEFISEERDE URE OP SEKERE PLEKKE

7. Geen persoon mag handeldryf—

- 7.1 op 'n soom, aangrensend tot enige plek van aanbidding, nasionale monument of openbare gebou; of
- 7.2 op 'n beperkte gebied, soos gespesifiseer in Bylae A, saamgestel volgens die beraadslagingsproses uitgestippel in artikel 6A (2) (a) tot (i) van die Wet, na ure, soos gespesifiseer met betrekking tot elke tuin, park, soom of gebied.

BEPERKTE HANDELDRYWING MET GESPEFISEERDE GOEDERE OF DIENSTE OP SEKERE PLEKKE

8. Geen persoon mag handeldryf—

- 8.1 op 'n soom aangrensend tot enige plek van aanbidding, nasionale monument of openbare gebou; of
- 8.2 op 'n beperkte gebied, wat gespesifiseer is in Bylae B, saamgestel volgens die beraadslagingsproses uitgestippel in artikel 6A (2) (a) tot (i) van die Wet, ander dan die goedere en dienste soos gespesifiseer met betrekking tot sodanige tuin, park, soom of gebied;
- 8.3 op 'n soom aangrensend tot daardie deel van 'n gebou waar reeds besigheid gedryf word deur 'n persoon ander dan 'n afdelingswinkel, selfdienwinkel of enige groot verskaffer van 'n groot verskeidenheid goedere van dieselfde goedere verkoop deur eersgenoemde persoon, sonder die toestemming van die tweede genoemde persoon.

BEPERKTE HANDELDRYWING MET AFGEBAKENDE STANDPLASE OP SEKERE PLEKKE

9. Geen persoon mag handeldryf—

- 9.1 op 'n soom aangrensend tot enige plek van aanbidding, nasionale monument of openbare gebou; of
- 9.2 in 'n beperkte gebied, wat gespesifiseer is in Bylae C, saamgestel volgens die beraadslagingsproses uitgestippel in artikel 6A (2) (a) tot (j) van die Wet, buite 'n standplaas of gebied afgesonder vir die doel om handel te dryf, soos bedoel in artikel 6A (3) (b) van die Wet.

GEEN HANDELDRYWING OP STANDPLASE OF GEBIEDE WAT REEDS UITSLUITLIK AAN DIE HUURDER VERHUUR IS

10. Indien die Raad enige standplaas of enige gebied, hiervoor afgesonder, verhuur of toegeken het, of anders voorgestel vir die doel van straathandeldrywing, soos bedoel in artikel 6A (3) (c) van die Wet, mag geen persoon handeldryf in sodanige gebied as hy/sy nie in besit is van 'n bewys dat hy/sy sodanige standplaas of gebied van die Raad gehuur het of andersins aan hom/haar toegeken is.

GEEN HANDELDRYWING NABY SEKERE OPENBARE GEBOUE, PLEKKE VAN AANBIDDING EN NASIONALE MONUMENTE

11. Geen persoon mag handeldryf op 'n soom aangrensend tot enige plek van aanbidding, nasionale monument of openbare gebou soos gespesifiseer in Bylae D, saamgestel volgens die beraadslagingsproses uitgestippel in artikel 6A (2) (a) tot (j) van die Wet, tensy hy/sy 'n geskrewe toestemming verkry van die Plaaslike Owerheid, waar sodanige toestemming nie onredelik weerhou sal word nie.

GEEN HANDELDRYWING OP VERBODE GEBIEDE

12. Geen persoon mag handeldryf in enige verbode gebied, waar sodanige verbod opgelê is deur die Plaaslike Owerheid.

HANDELDRYWING NABY BEWOONDE GEBOUE

13. Geen persoon mag buite 'n gebied gespesifiseer in Bylae E, saamgestel volgens die beraadslagingsproses uitgestippel in artikel 6A (2) (a) tot (j) van die Wet, handeldryf in daardie helfte van 'n openbare pad aangrensend tot 'n gebou wat uitsluitlik vir woondoeleindes gebruik word—

- 13.1 die eienaar, persoon in beheer of besitter van enige deel van die gebou wat se sig na sodanige pad wys, het skriftelike teenkanting daartoe; en
- 13.2 die feit dat sodanige teenkanting gemaak was, is eersgenoemde persoon skriftelik deur 'n gemagtigde persoon, daarvan verwittig.

TEKENS WAT BEPERKINGS EN GEBIEDE AANTOON

14. Die Plaaslike Owerheid mag—

- 14.1 bywyse van 'n resoluëie, en oorlegpleging met alle belangstellende instansies, voorgeskrewe tekens, afmetings of enige leuse goedgekeur deur die Premier, aanbring wat aantoon—
 - 14.1.1 dat gespesifiseerde ure, plekke, goedere of dienste met betrekking tot straathandel, beperk is;
 - 14.1.2 die ligging of grense van 'n beperkte gebied;
 - 14.1.3 die grense van 'n standplaas of gebied uiteengesit vir die doel om straathandel te beoefen onder artikel 6A (3) (b) van die Wet;
 - 14.1.4 die feit dat sodanige standplaas of gebied verhuur of andersins toegeken is;
 - 14.1.5 enige beperking of verbod teen handeldrywing in terme van hierdie verordeninge; en
 - 14.1.6 die ligging of grense van 'n verbode gebied; en
- 14.2 enige tekens, merke of voorskrifte vertoon, op sodanige plekke en maniere, om die ligging en grense van die beperkte gebiede of standplase, aan te toon.

BESLAGLEGGING EN VERWYDERING

15.1 'n Beampte mag enige goedere, artikel, houer, voertuig of struktuur, verwyder of beslaglê daarop—

- 15.1.1 wat hy/sy redelikerwys vermoed is gebruik of is gebruik in of reeds gebruik in verband met straathandel; en
- 15.1.2 wat hy/sy vind op die plek waar straathandel beperk of verbied is in terme van Artikel 5 tot 13 insluitend, wat na sy/haar mening 'n oortreding uitmaak van sodanige seksie; of
- 15.1.3 wat 'n oortreding uitmaak van seksie 3.4 hiervan.

15.2 Enige amptenaar wat handel in terme van hierdie bepalings mag—

- 15.2.1 in die geval van goedere wat gelos of agtergelaat is, onverwyld 'n bewys uitreik aan die persoon wie besigheid doen as straathandelaar, vir enige eiendom wat so verwyder of geskut is, sodanige bewys uitgereik sal word, wat geskikte gegewens bevat, van waar die eiendom geskut gaan word en die prosedure vir die terugreis van sodanige eiendom;
- 15.2.2 onverwyld sodanige eiendom te oorhandig aan die Plaaslike Owerheid.

15.3 Enige eiendom verwyder en geskut soos bedoel in artikel 6A van die Wet—

- 15.3.1 mag in die geval van bederfbare eiendom, verkoop of vernietig word deur die betrokke Plaaslike Owerheid, binne 'n redelike tyd na skutting daarvan, op voorwaarde dat sodanige eiendom onderworpe is tot die bepalings van 15.4 hieronder op enige voorafgaande tyd, die wegdoen daarvan, die terugbesorging aan die eienaar, op versoek en bewys deur sodanige eienaar aan die betrokke Plaaslike Owerheid, op voorwaarde dat sodanige bederfbare nog bruikbaar is vir menslike gebruik;
- 15.3.2 mag, onderworpe aan die bepalings van 15.4 hieronder, in die geval van eiendom, ander dan bederfbare eiendom, aan die eienaar daarvan, op aanvraag en bewys van eienaarskap aan die betrokke Plaaslike Owerheid, terugbesorg, binne 'n tydperk van een maand na datum van skutting.

15.4 Die betrokke Plaaslike Owerheid, sal geregtig wees om die betrokke eiendom, in besit te hou tot alle redelike uitgawes hiertoe betaal is, by gebreke hiervan, sal sodanige eiendom per publieke veiling verkoop mag word nadat 14 dae kennis aan die eienaar gegee is en in die geval van bederfbare goedere, hetsy verkoop of vernietig deur sodanige Plaaslike Owerheid.

15.5 Ten opsigte van die verkoop van geskutte eiendom deur die Plaaslike Owerheid, die opbrengs van sodanige verkoping, min die redelike uitgawes aangegaan deur die Plaaslike Owerheid, in verband met die verwydering, skutting en/of vernietiging van sodanige eiendom, betaal word aan die persoon wie die wettige eienaar was op datum van skutting. Sou sodanige eienaar in gebreke bly om die genoemde opbrengste, binne drie (3) maande vanaf datum van verkoop, op te eis, sodanige opbrengste onverwyld sal gaan aan die Plaaslike Owerheid, wat dit in 'n spesiaal geskepte fonds plaas vir ontwikkeling van die informele sektor en sake aanvullend daartoe.

15.6 In die geval waar die opbrengs van enige verkoping van die eiendom hierby betrokke, nie voldoende was om die redelike uitgawes aangegaan deur sodanige Plaaslike Owerheid, in verband met die verwydering, skutting of vernietiging van sodanige eiendom, te dek nie, sal die eienaar van sodanige eiendom verantwoordelik wees vir alle redelike uitgawes aangegaan deur die Plaaslike Raad met betrekking tot die verwydering, skutting of vernietiging van sodanige eiendom.

OORTREDINGS

16.1 Enige persoon wie—

- 16.1.1 eenstrydig is of nalaat om te voldoen aan enige bepalings van hierdie verordeninge;
- 16.1.2 enige kennisgewing, teken, afmerkings opgerig vir die doel van hierdie verordeninge, ignoreer, verontagsaam, nie gehoor gee aan;
- 16.1.3 teenstrydig is of nalaat om te voldoen aan enige goedkeuring, die toestaan, vergunning of voorgeskryf in terme van hierdie verordeninge;
- 16.1.4 nalaat om te voldoen aan 'n geskrewe opdrag vir die skuif of verwydering van sy/haar eiendom;
- 16.1.5 met voorbedagterade vals of misleidende inligting verskaf aan 'n beampte of werknemer van die Plaaslike Owerheid; of
- 16.1.6 dreig, verset, lastig val of verhinder, dat 'n beampte of werknemer van die Plaaslike Owerheid, sy magte, pligte of funksies onder hierdie verordeninge uitvoer; hom skuldig maak aan 'n oortreding.

BOETES

17. Enige persoon wat skuldig is aan 'n oortreding in terme van hierdie verordeninge, sal by skuldigbevinding, aanspreeklik gehou word vir 'n boete wat R1 000 nie sal oorskry of gevangenskap wat nie 'n tydperk van drie (3) maande sal oorskry nie.

PLAASVERVANGENDE VERANTWOORDELIKHEDE VAN PERSONE WAT HANDEL TOEPAS

18. Wanneer 'n werknemer van 'n persoon wie besigheid doen as straathandelaar, versuim om gehoor te gee aan enige handeling van hierdie verordeninge, dit as 'n oortreding beskou sal word en sodanige persoon 'n oordeel oor hom/haarself bring, tensy hy/sy die hof anders kan bewys deurdat—

- 18.1 hy/sy nie ooglopend toegelaat het, nog versuim het dat die betrokke werknemer, 'n oortreding begaan het;
- 18.2 hy/sy alle redelike stappe geneem het om handeling of versuiming te voorkom;
- 18.3 die handeling of versuiming hetsy wettig of onwettig van aard, van die voorval aangekla, op geen voorwaarde of onder geen omstandighede binne die magsgebied van die Owerheid val, van die werkverskaffer van die betrokke werknemer nie, en die feit dat die gesegde persoon instruksies uitgereik het waarby 'n handeling of versuiming van watter aard ookal verbied was, sal nie in sigself voldoende bewys wees dat hy/sy alle redelike stappe geneem het om dié handeling of versuiming te voorkom nie:

PLAASVERVANGENDE VERANTWOORDELIKHEDE VAN WERKNEMERS

19. Wanneer 'n persoon straathandel bedryf is hy bywyse van artikel 18 verantwoordelik vir alle handelinge of versuiming deur die werknemer van daardie persoon, dat werknemers net so verantwoordelik sal wees asof hy/sy self besigheid doen.

APPÈLLE

20.1 Enige persoon wat voel dat hy/-sieself veronreg is deur die uitspraak van die Plaaslike Owerheid mag hy/sy appelleer teen sodanige uitspraak, by 'n Appèlkomitee, onderworpe aan die bepalings hierin uiteengesit.

20.2 Enige persoon wat voel dat hy/sy veronreg is deur die uitspraak van die Plaaslike Owerheid, sal die Plaaslike Owerheid skriftelik kennis gee van sy/haar voorneme om te appelleer en wel binne 10 (tien) dae na ontvangs van die Plaaslike Owerheid se bevindinge.

SAMESTELLING VAN 'N APPÈLKOMITEE

21.1 Die Lid van die Uitvoerende Raad van Ekonomiese Sake mag, in samewerking met die Plaaslike Owerheid, Verteenwoordigers van die Informele Handelaars en enige ander belangstellende persoon, persone aanwys as lede van die Appèlkomitee.

21.2 Die Appèlkomitee sal bestaan uit 'n maksimum van 7 (sewe) lede met ten minste 1 (een) lid van die dienende sektor.

21.3 Die lede van die Appèlkomitee sal 'n lid aanwys om as Voorsitter en Adjunkvoorsitter, onderskeidelik te dien.

21.4 Indien die Voorsitter nie by magte is om die funksie van Voorsitter uit te oefen nie, sal die Adjunkvoorsitter die funksie van Voorsitter uitoefen.

21.5 Sou die Voorsitter van mening wees dat 'n bepaalde persoon geskik sou wees om die Appèlkomitee by te staan, hy/sy vir hierdie doel tot mede lid gekies mag word.

21.6 'n Persoon wat so as mede lid verkies is, sal nie by magte wees om op enige Komitee-vergadering sy stem uit te bring nie.

21.7 Die Voorsitter sal die veronregde persoon van 'n datum, tyd en plek van die Appèlkomitee-vergadering in kennis stel, waarna hy/sy persoonlik teenwoordig moet wees binne 10 (tien) dae na ontvangs van die Kennisgewing van Appèl.

21.8 Die veronregde persoon wie die kennisgewing ontvang het in terme van bepaling.

21.9 Hierbo gemeld, persoonlik teenwoordig sal wees by die vergadering of 'n wettige verteenwoordiger of enige ander persoon om namens hom/haar te verskyn.

21.10 Die betrokke Plaaslike Owerheid mag verteenwoordig word deur 'n gemagtigde amptenaar of 'n wettige verteenwoordiger.

PROSEDURE BY 'N APPÈLVERGADERING

22.1 Die Voorsitter sal die prosedure van die vergadering bepaal op voorwaarde dat—

22.1.1 sodanige prosedure gehoor gee aan die *audi alteram partem* beginsels; en

22.1.2 alle partye sewe dae voor verhoor verwittig word van die verhoor en die prosedure wat gehandhaaf gaan word.

22.2. Al die lede van 'n Appèlkomitee moet by 'n vergadering teenwoordig wees.

22.3 Enige persoon teenwoordig by die vergadering mag—

22.3.1 deur die Voorsitter na vore geroep word om te getuig;

22.3.2 deur die Voorsitter genader word om enige dokumentasie of enige ander eiendom wat in sy besit is, of onder sy beheer is, voor te lê aan die Komitee;

22.3.3 deur die Komitee vooraf ondervra te word.

22.4 Die Appèlkomitee mag die uitspraak van die Plaaslike Owerheid hersien en 'n bevinding maak ten opsigte van die volgende oorwegings:

22.4.1 Hetsy die uitspraak van die Plaaslike Owerheid regverdig/beklink was, onder die omstandighede;

22.4.2 die uitwerking van die uitspraak van die bekwaamheid, om te handel, van die veronregde persoon; en

22.4.3 hetsy alternatiewe maatstawwe aangeneem word om die voortsetting van besigheid, van die veronregde persoon.

22.5 'n Uitspraak van die Komitee sal geneem word deur 'n meerderheid stemme van die lede teenwoordig by die vergadering en in die geval van 'n gelyke stem, sal die Voorsitter die beslissende stem hê,

BYLAE A

PLEKKE MET BEPERKTE HANDELSURE

PLEKKE

A. Tuine en parke.

B. Some aangrensend tot die volgende:

Plekke van aanbidding, nasionale monumente en openbare geboue.

C. Beperkte gebiede:

(Met nommer en datum van kennisgewing van verklaring daarvan): Met betrekking tot A, B en C hierbo gemeld, is die ure vasgestel deur die Plaaslike Owerheid in samespreking met al die insethouers, na ontvangs van bepaalde aansoeke.

BYLAE B

PLEKKE WAAR GOEDERE OF DIENSTE BEPERK IS

PLEKKE

- A. Tuine en parke.
- B. Some aangrensend tot die volgende:
Plekke van aanbidding, nasionale monumente en openbare geboue.
- C. Beperkte gebiede:
(Met nommer en datum van kennisgewing van verklaring daarvan): Met betrekking tot A, B en C hierbo gemeld, is die goedere en dienste vasgestel deur die Raad, na daar van tyd tot tyd beraadslaag is.

BYLAE C

PLEKKE WAAR HANDELDRYWING BEPERK WORD TOT AFGEBAKENDE STANDPLASE EN GEBIEDE

PLEKKE

- D. Tuine en parke:
Some aangrensend tot die volgende:
Plekke van aanbidding, nasionale monumente en openbare geboue.
- Beperkte gebiede:
(Met nommer en datum van kennisgewing van verklaring daarvan).

BYLAE D

SOME WAAR HANDELDRYWING VERBIED WORD

- E. SOME AANGRENSEND TOT DIE VOLGENDE:
Openbare geboue.
Plekke van aanbidding.
Nasionale monumente.

BYLAE E

GEBIEDE UITGESLUIT VAN BEPERKINGS OP HANDELDRYWING NABY BEWOONDE GEBOUE

Dorpsgebied en dele van dorpsgebiede.
Openbare paaie en gedeeltes van openbare paaie.

CONTENTS • INHOUD

<i>No.</i>		<i>Page No.</i>	<i>Gazette No.</i>
OFFICIAL NOTICE • OFFISIËLE KENNISGEWING			
3	Less Formal Townships Establishment Act (113/1991): Designation of an area for less formal settlement: Witbank ..	2	377
3	Wet op Minder Formele Dorpsstigting (113/1991): Aanwysing van 'n gebied vir minder formele vestiging: Witbank	2	377
GENERAL NOTICES • ALGEMENE KENNISGEWINGS			
24	De Aar Municipality: Adoption and amendment of Northern Cape Model Street Trading By-laws	4	377
24	Munisipaliteit De Aar: Aanvaarding en wysiging van Noord-Kaap Model Straathandelverordeninge	4	377
25	Kathu Munisipaliteit: Verordeninge insake Straathandeldrywing	4	377

Printed by and obtainable from the Government Printer, Bosman Street, Private Bag X85, Pretoria, 0001. Tel: (012) 334-4507, 334-4511, 334-4509, 334-4515
Also available at the Provincial Legislature: Northern Cape, Private Bag X5066, Provincial Building, Chapel Street, Kimberley, 8300.

Tel. (direct line): (053) 830-9041 or (053) 830-9222. Fax: (053) 833-1605

Gedruk deur en verkrygbaar by die Staatsdrukker, Bosmanstraat, Privaat Sak X85, Pretoria, 0001. Tel: (012) 334-4507, 334-4511, 334-4509, 334-4515
Ook verkrygbaar by die Provinsiale Wetgewer: Noord-Kaap, Privaat Sak X5066, Provinsiale Gebou, Chapelstraat, Kimberley, 8300.

Tel (direkte lyn): (053) 830-9041 or (053) 830-9222. Fax: (053) 833-1605